

INFO BUSINESS NEWSLETTER

Udruženje poslodavaca FBiH

Mart 2015. godine

Specijalno izdanje



XIV REDOVNA SKUPŠTINA UDRUŽENJA POSLODAVACA FBiH

Održana XIV redovna Skupština Udruženja poslodavaca FBiH



Gosti i učesnici XIV redovne Skupštine UP FBiH

Na 14. Skupštini Udruženja Poslodavaca u FBiH koja je održana 11.03.2015. godine u Sarajevu, ukazano je na neophodnost provođenja „Mjera za rasterećenje privrede“ koje je UPFBiH već uputilo vlastima i široj društvenoj zajednici. Na Skupštini je prisustvovalo oko 100 predstavnika najvećih i najznačajnijih kompanija iz cijele FBiH, te gosti među kojima su bili najviši predstavnici izvršne i zakonodavne Vlasti u FBiH, predstavnici privredne komore, sindikata i međunarodnih organizacija.

Na sjednici se pored usvajanja Zapisnika i izbora verifikacione komisije, zapisničara i ovjerivača zapisnika razmatrale slijedeće tačke Dnevnog reda;

1. Razmatranje i usvajanje;

- a. Prijedloga Izvještaja o radu UP FBiH za 2014. godinu,
- b. Prijedloga Izvještaja delegacije ESV- a za 2014. godinu,
- c. Prijedloga Finansijskog izvještaja UPFBiH za 2014. godinu,
- d. Prijedloga Programa rada UP FBiH za 2015. godinu,
- e. Prijedloga Finansijskog plana UPFBiH za 2015. godinu

2. Razmatranje i usvajanje Prijedloga Statuta o izmjenama i dopunama Statuta UP FBiH

3. Razmatranje i usvajanje prijedloga:

- a. verifikacija dva člana Upravnog odbora UP FBiH koji su kooptirani u periodu između dvije Skupštine UP FBiH,
- b. izbor pet delegata za Skupštinu AP BiH.

- Izvještaj o radu je jednoglasno usvojen,
- Izvještaj o radu ESV-a je jednoglasno usvojen,
- Izvještaj o finansijskom poslovanju za 2014. godinu koji je izlagao Mladen Pandurević je jednoglasno usvojen.
- Program rada za 2015. godinu jednoglasno je usvojen
- Finansijski plan za 2015. godinu je jednoglasno usvojen.

Nakon usvajanja materijala izložene su tri preostale tačke dnevnog reda te su zaključci bili slijedeći; Predstavljene su izmjene i dopune Statuta Udruženja poslodavaca FBiH uz objašnjenje da je potrebno omasovljavanje Udruženja poslodavaca, te da se omogući stvaranje udruženja poslodavaca na cijeloj teritoriji FBiH i da se demokratizuje UP FBiH.

Novim izmjenama i dopunama usvojeno je proširivanje Upravnog odbora UP FBiH sa 15 članova na 21 člana, te će biti oformljeno novo tijelo Izvršni odbor. Izvršni odbor je tijelo upravljanja koje rukovodi radom Udruženja između dvije sjednice Upravnog odbora.

Prijedlog za izmjene i dopune Statuta UP FBiH su jednoglasno usvojene.

Na Skupštini su verifikovana dva člana Upravnog odbora UP FBiH, a koji su bili kooptirani u periodu između dvije Skupštine UP FBiH.

Verificirani članovi U.O. od Skupštine UP FBiH su; Josip Milas, predstavnik IT grupacije pri UP FBiH i Muharem Sejdić, predstavnika Udruženja privrednika "Biznis centar" Jelah/Tešanj.

Novi član U.O. Josip Milas je na 22. sjednici U.O. imenovan ujesto dotadašnjeg člana U.O. Jospia Vukadina koji je preminuo, te mu je na taj način prestao mandat. Obzirom da je Jospin Vukadin bio predstavnik IT sektora, sasvim je opravdano da na njegovo mjesto bude izabran predstavnik iz ove oblasti.

Drugi verificirani član U.O. Muharem Sejdić je imenovan na 23. sjednici U.O. umjesto dotadašnjeg člana U.O. Smaila Ramovića, koji je penzionisan i na taj način mu je prestao mandat. Smail Ramović je imenovan od strane Udruženja privrednika "Biznis centar" Jelah/Tešanj, te je za novog kandidata ispred ovog Udruženja imenovan Muharem Sejdić.

Oba prijedloga su jednoglasno usvojena.

Skupština je jednoglasno usvojila prijedlog U.O. za imenovanje pet (5) delegata u Skupštinu APBiH u sastavu od: Muhamed Šaćiragić, Hamed Katica, Petar Ćorluka, Mladen Pandurević i Enes Čengiđ. U slučaju da neko od predloženih kandidata bude spriječen da prisustvuje Skupštini imenovana je zamjena u sastavu od: Mirsa Tuće, Edin Ibrahimpašić, Tomislav Slišković i Opardija Dževad.



S lijeva na desno: Stipe Prlić, potpredsjednik UP FBiH, predstavnik VTK BiH, Bruno Bojić, potpredsjednik VTK BiH, Nihad Bajramović, predstavnik VTK BiH



Fadil Novalić, novi mandatar Vlade FBiH

Prisutnima se obratio Fadil Novalić, novi mandatar Vlade FBiH, koji je rekao da nam predstoji aktivna privredna reforma. Kako je naveo zadnjih šest godina BDP bilježi pad, a zadnjih deset godina potrošnja i zdravstvo rasli su oko 80% u odnosu na BDP, odnosno rasli su i penzioni fondovi za 80,7% više od BDP-a.

Za ekonomske reforme koje slijede kaže moraće raditi aktivnije i zajednički vlade, udruženja poslodavaca i sindikati. Prema njegovom mišljenju do sada su najviše radila udruženja poslodavaca, sindikat je, takođe, radio ali je bio „tvrd“ i nepopustljiv u svojim zahtjevima, dok su vlade povremeno bile aktivne.

U narednom periodu, kako je istakao, biće važno uraditi Zakon o socioekonomskom partnerstvu, koji se mora institucionizirati, i funkcionirati.

Reforme koje slijede, kako kaže Novalić, podrazumijevaju da se radno-pravno zakonodavstvo uskladi sa EU, koja radi na tome da se smanji nezaposlenost. Predstoji nam da unaprijedimo poslovno okruženje, i stalno podupiranje poslovnih aktivnosti. Na tom putu veoma nam je potrebno razumijevanje pomenuta tri aktera.

Erdal Trhulj, Ministar FMERI



Erdal Trhulj, ministar energije, rudarstva i industrije u Vladi FBiH, osvrnuo se na rad u prehodnom mandatu i rekao da su u protekle četiri godine imali dobrog partnera u Udruženju poslodavaca FBiH. Smatra da su razni analitičari u medijima iznosili često i neadekvatne tvrdnje.

A prema podacima koje je naveo U FBiH je oko 18.500 privrednih subjekata, ne računajući mikropreduzeća. Od toga oko 42% tih privrednih subjekata, u zadnjih pet godina, su svake godine prikazala dobit. A da oko 55% svih zaposlenih radnika radi u tim firmama koje prikazuju dobit.

Kako je dalje naveo 1.253 poslovna subjekta u 2013. Godini poslovala su negativno što je oko 5,2%, a zapošljavala su 38.000 radnika.


Problem koji Vlada FBiH koja je pri kraju svog manadata nije uspjela riješiti jeste rad na crno. Računa se da na svaka 4 uposlena, jedan radi na crno. To stvara nelojlanu konkurenciju, i kako Trhulj navodi, rad na crno je veći problem od doprinosa na plate na koje se većina privrednika žali.

Lidija Bradara, predsjedavajuća Doma naroda Parlamenta FBiH je u svom kratkom govoru navela da predstavnici malog i srednjeg poduzetništva imaju svesrdnu pomoć kako predstavnika vlasti u FBiH, tako i od predstavnika izvršne i zakonodavne vlasti.

“Na nama je da u svakom pogledu olakšamo vama poslovanje i osiguramo uvjete kroz zakonodavnu vlast da imate ambijet poslovni koji vam je potreban, te da imate bolji poslovni ambijent kako bismo privukli i strane investitore. Javna uprava treba prilagoditi gospodarstvenicima, kako bismo mogli stimulisali novo poslovanje i jačati domaće poslovanje”, istakla je Bradara.



Lidija Bradara, predsjedavajuća Doma naroda Parlamenta FBiH




Bruno Bojić, potpredsjednik Vanjskotrgovinske komore BiH istakao je da aktuelni Zakon o radu nije dobar ni za poslodavce niti za radnike i što prije mora da se mijenja.

Zbog toga apeluje da se što prije nađe zajednički interes oko ovog zakona, koji će zaštititi dobrog poslodavca od lošeg radnika, odnosno dobrog radnika zaštititi od lošeg poslodavca.

Bruno Bojić, potpredsjednik VTK BiH

prof.dr. Željko Šain, Ekonomski fakultet



Željko Šain, dekan Ekonomskog fakulteta Univerziteta u Sarajevu, apelovao je na čvršću vezu između akademske zajednice i realnog sektora. Istakao je problem nekvalitetnog obrazovanja u nekim srednjim školama i na fakultetima, te tražio da se zaustavi trend kontinuiranog odliva mladih ljudi u inozemstvo. Rekavši da „Država ima bijelu kugu“ i kao takva nema prosperitet, dekan Šain je apelovao da se zaustavi i trend odliva resursa, gotovog novca i sirovina.

„Lobirajmo kod svih zvaničnika zakonodavne i izvršne vlasti da se zvanje više cijeni, i da struka dobije primat nad politikom,“ naglasio je dekan Željko Šain.



**Edhem Biber, predsjedavajući
ESV-a FBiH**

Edhem Biber, predsjedavajući Ekonomsko-socijalnog vijeća za teritorij FBiH je rekao da socijalni dijalog u FBiH ima značajna iskustva sa promjenjivim uspjesima. Važno je da kroz socijalni dijalog ne može biti zamjena za harmoničan dijalog u FBiH.

Nažalost, u posljednje četiri godine najveći problemi sa kojima smo se susretali je Parlament FBiH, niz važnih ideja i nekih zakona koje smo uspjeli dogovoriti je “zapeo” u Parlamentu FBiH. Nadamo se da će u budućnosti više ideja biti usvojene od strane Parlamenta FBiH jer većina ideja i zahtjeva za izmjene zakona dolazi upravo od strane predstavnika poslodavaca.

Nihad Imamović, bivši predsjednik UP FBiH



Nihad Imamović, bivši predsjednik UO UPFBiH, zamjerio je delegaciji Ekonomsko-socijalnog vijeća koje je održalo samo četiri sjednice u protekloj godini, a bila je praksa da to bude jednom mjesečno. U prethodnom mandatu u kojem je bio predsjednik UO UPFBiH, kako je napomenuo, formirana je Radna grupa za prijedloge rasterećenja privrede, koja je bila pod kontrolom Ministarstva finansija FBiH, ali su je kako navodi kontrolisali ljudi koji nisu imali u interesu da se posao realizira.

Zato predlaže da poslodavci moraju biti aktivniji kada su ovi problemi u pitanju, jer se barata sa cifrom od oko 70% opterećenja na lične dohotke. Ustvari, kako tvrdi Imamović oni su preko 100% ako se uzmu parafiskalni nameti zavisno od kantona do kantona. Radna grupa je tada predložila da se oporezuje topli obrok i dnevnice, da se rastereti privreda, mišljenja je Imamović.



Tomislav Grizelj, bivši predsjednik UP FBiH

Tomislav Grizelj, bivši predsjednik U.O. UP FBiH je naveo da je privredna klima mnogo gora nego prije deset godina. Stali smo na preponama privatizaciji, na reformama javne uprave, na poreznim olakšicama iz plaće i na plaću.

Tražim od predstavnika vlasti da traže partnera u predstavnicima poslodavaca i predstavnicima sindikata, rekao je Grizelj.

Predsjednik Udruženja poslodavaca FBiH Safudin Čengić u izjavi medijima prije početka sjednice skupštine, ocijenio je da je 2014. godina bila jedna od najtežih za poslodavce.

"Imali smo proteste građana, katastrofalne poplave, a sve se reflektiralo na rad poslodavaca, odrazilo se na njihovo poslovanje što je rezultiralo i smanjenjem broja zaposlenih. Za tekuću godinu planiramo inteziviranje dijaloga sa vladom i sindikatima, jer smatramo da nemamo ni prostora ni vremena da gubimo oko priče, nego moramo konkretno raditi", kazao je Čengić.



Safudin Čengić, predsjednik UP FBiH



Mladen Pandurević, direktor UP FBiH

Direktor Udruženja Mladen Pandurević izjavio je da su prihvaćeni predloženi principi i prioriteti koji se odnose na rasterećenje poslovanja kroz smanjenje fiskalnih i parafiskalnih nameta, aktivnosti na sprječavanju nelikvidnosti, unapređenje poslovnog ambijenta, donošenje najvažnijih sistemskih zakona i reforme radnog zakonodavstva, te smanjenje javne potrošnje.

Istakao je da su to zahtjevi Udruženja poslodavaca FBiH na koje očekuju odgovor nove vlasti, "zbog čega s nestrpljenjem očekuju njeno formiranje". Pandurević je rekao da trenutno nemaju partnera za razgovore upravo iz razloga što vlast nije formirana, a sindikat je podijeljen. Naglasio je da nova vlast mora preduzeti reformske procese i da su neminovnost.

Predstavnici Njemačke i Ambasade Velike Britanije, koji su takođe bili pozvani da budu gosti Skupštine nisu došli. Uputili su pisma podrške u kojima je, između ostalog, rečeno da na Udruženje poslodavaca FBiH računaju kao na strateškog partnera za implementaciju „Britansko-Njemačke inicijative za BiH“ i aktivnog aktera za unapređenje poslovnog ambijenta.

dopis od Ambasadora:

Šaljem Vam tople pozdrave povodom održavanja četrnaeste Redovne Skupštine Udruženja Poslodavaca Federacije Bosne i Hercegovine.

Volio bih da danas mogu biti s Vama, ali planirane obaveze u Banja Luci su me spriječile da se odazovem. Nadam se da ste svi primijetili da je Evropska Unija uložila veliki trud kako bi postavila ekonomske reforme u centar svog strateškog nastupa prema Bosni i Hercegovini.

Ove reforme bi trebale ojačati bosanskohercegovačku ekonomiju i stvoriti nove prilike za poslovnu zajednicu.

U ime Britanske Vlade zahvaljujem se Udruženju Poslodavaca Federacije Bosne i Hercegovine na doprinosu socio-ekonomskoj debati u Bosni i Hercegovini, primarno kroz publikaciju „Kako do povoljnijeg poslovnog ambijenta“.

Tokom ove godine želimo vidjeti Vaše Udruženje i kompletnu poslovnu zajednicu kao aktivne aktere u kreiranju i provođenju ekonomskih reformi, koje ukoliko budu implementirane, mogu doprinijeti boljem poslovnom ambijentu, rastu trenutnih i privlačenju novih investicija.

Srdačno,

Edward Ferguson | British Ambassador | British Embassy Sarajevo |





Sarajevo, 11.03.2015. godine

UDRUŽENJE POSLODAVACA FBiH
Gosp. Safudin Čengić, predsjednik UO
Gosp. Mladen Pandurević, direktor

Cijenjeni,

Iskreno zahvaljujem na pozivu da prisustvujem 14. redovnoj Skupštini Udruženja poslodavaca u Federaciji Bosne i Hercegovine.

Izuzetno cijenim napore Udruženja poslodavaca FBiH da se stvori što povoljnije poslovno okruženje kojim će se olakšati poslovanje, zadržati postojeća i otvoriti nova radna mjesta, te privući nove investicije. Bolji uslovi poslovanja će doprinijeti ekonomskom napretku naše zemlje, a samo zajedničkim djelovanjem ćemo ostvariti željeni prosperitet.

Nažalost, brojne obaveze sprečavaju me da se odazovem Vašem pozivu i prisustvujem ovom događaju. Stoga Vas, na ovaj način, molim da prenesete moje iskrene pozdrave članovima Udruženja poslodavaca FBiH i gostima uz želje za uspješan rad Skupštine Vaše asocijacije.

Srdačan pozdrav,

PREMIJER
Nermin Nikšić



INTERNATIONAL TRADE UNION CONFEDERATION

B-1210 Brussels, Bd du Roi Albert II 5



SAVEZ SAMOSTALNIH SINDIKATA
BOSNE I HERCEGOVINE

CONFEDERATION OF INDEPENDENT TRADE
UNIONS OF BOSNIA AND HERZEGOVINA

Obala Kulina bana 1, 71000 Sarajevo, Bosna i Hercegovina

Tel/fax: +387 33 20 20 29; 22 61 71; 44 23 21; E-mail: sinbih@bih.net.ba , ajdina@sindikatbih.ba

Sarajevo, 11.mart 2015. godine

UDRUŽENJE POSLODAVACA FEDERACIJE BiH

Gospodin Safudin Čengić, predsjednik

S a r a j e v o

Poštovani,

Koristim ovu priliku da Vam se zahvalim na pozivu za prisustvo 14. redovnoj Skupštini Udruženja poslodavaca Federacije BiH, koja će se održati 11.marta o.g., kao i da Vas još jednom obavijestim da zbog službenog putovanja istoj neću moći prisustvovati.

Cijeneći značaj i važnost održavanja vaše Skupštine određeno je da u ime Saveza samostalnih sindikata BiH istoj prisustvuje Selvedin Šatorović, potpredsjednik SSSBiH, što vam je ranije i potvrđeno. Međutim, potpredsjednik Šatorović, nažalost, nije u mogućnosti prisustvovati vašoj Skupštini zbog hitnog zakazivanja sjednice Skupštine Zeničko-dobojskog kantona, kojoj neodložno mora prisustvovati.

Uz iskreno izvinjenje, ovim putem svim učesnicima Skupštine Udruženja poslodavaca FBiH upućujem srdačne pozdrave i želje za uspješan i plodotvoran rad.

S poštovanjem,

PREDSJEDNIK

mr. Ismet Bajramović, s.r.



УУПРС
УНИЈА УДРУЖЕЊА ПОСЛОДАВАЦА
РЕПУБЛИКЕ СРПСКЕ

Ђуре Даничића 1/2, 78000 Бања Лука
Тел./Факс: +387 51 226 160
e-mail: unija.uprs@blic.net, sasa.acic@blic.net
web: www.unijauprs.org

Број: 149/15
Датум: 11.03.2015. године

**УДРУЖЕЊЕ ПОСЛОДАВАЦА
ФЕДЕРАЦИЈЕ БОСНЕ И ХЕРЦЕГОВИНЕ**
н/р предсједника УО
гдин. Сафудин Ченгић

Предмет: XIV сједница Скупштине Удружења послодаваца Федерације Босне и Херцеговине

Поштовани господине Ченгић,

Најљубазније Вам се захваљујем на позиву за присуство XIV редовној сједници Скупштине Удружења послодаваца Федерације Босне и Херцеговине.

Уједно Вас молим да уважите извињење због немогућности учешћа представника Уније удружења послодаваца Републике Српске на сједници које је узроковано изненадним проблемом у компанији коју водим, односно претходно планираним обавезама руководства Уније удружења послодаваца Републике Српске.

Користим прилику да Вам пожелим успјешан и плоносан рад, као и да изразим очекивања по питању нашег скорог виђења и наставка реализације заједничких активности наших организација.

С поштовањем,



ПРЕДСЈЕДНИК:
Драгутин Шкребић



Ole Hammer, Delegacija EU u BiH



Izlaganje Predsjednika UP FBiH Safudina Čengića



S desna na lijevo: Alija Bakšić, direktor AP BiH, Samir Lačević, B BiH, Mijo Mišić, UB BiH i Amir Međić, UTOK BiH



S lijeva na desno: Željko Šain, Ekonomski fakultet Sarajevo, Tomislav Grizelj, Grizelj d.d., Lidija Bradara, Dom naroda Parlamenta FBiH, Eldar Trhulj, Ministar FMERI i Fadil Novalić, novi mandatar Vlade FBiH

CRTICE IZ MEDIJA



PRIVREDA

UDRUŽENJE POSLODAVACA FBiH TRAŽI
RASTEREĆENJE PRIVREDE

<http://www.bhrt.ba/ekonomija/privreda/udruzenje-poslodavaca-fbih-trazi-rasterecenje-privrede/>

Reporterka: Sanita Lisak, BHRT

D3: Mladen Pandurević, Udruženje poslodavaca FBiH

> Vijesti > Tema dana



Traži se hitno provođenje Mjera za
rasterećenje privrede

<http://www.federalna.ba/bhs/vijest/124238/trazi-se-hitno-provođenje-mjera-za-rasterećenje-privrede>

FEDERALNA TELEVIZIJA



Kontekst: Život na minimalcu

<http://balkans.aljazeera.net/video/kontekst-zivot-na-minimalcu>

Emisiju vodio Marko Radoja a uvodni prilog
u emisiji pripremila je Jasmina Kos.

ALJAZEERA

Poslodavci u FBiH traže radikalne i bolne reformske mjere



Udruženje poslodavaca Federacije BiH održalo je danas u Sarajevu redovnu godišnju skupštinu na kojoj su predstavljeni rezultati Udruženja za 2014. Godinu, trenutne i buduće aktivnosti, a prezentirane su i mjere za rasterećenje privrede, te je ukazano na njihovo hitno provođenje, s ciljem poboljšanja ukupnog poslovnog ambijenta u Federaciji BiH.

Predsjednik Udruženja poslodavaca FBiH Safudin Čengić u izjavi medijima prije početka sjednice skupštine, ocijenio je da je 2014. godina bila jedna od najtežih za poslodavce.

"Imali smo proteste građana, katastrofalne poplave, a sve se refketiralo na rad poslodavaca, odrazilo se na njihovo poslovanje što je rezultiralo i smanjenjem broja zaposlenih. Za tekuću godinu planiramo inteziviranje dijaloga sa vladom i sindikatima, jer smatramo da nemamo ni prostora ni vremena da gubimo oko priče, nego moramo konkretno raditi", kazao je Čengić.

Podcrtao je da su konkretni zahtjevi Udruženja: hitna izmjena Zakona o radu, Zakona o privrednim društvima, Zakona o porezu i Zakona o inspekcijama.

Poslodavci smatraju da sadašnja zakonska regulativa stvara prepreke za normalno funkcionisanje privrede.

Čengić smatra da će se promjenom stope izdvajanja za zdravstveno i penziono osiguranje omogućiti da se veliki broj trenutno uposlenih u sivoj ekonomiji pretvori u legalni sektor.

Ocijenio je da niko nema hrabrosti krenuti u prijeko potrebne radikalne reforme.

Nužnost izmjene Zakona o radu

Kandidat za premijera Federacije BiH Fadil Novalić naveo je da se do povoljnog poslovnog ambijenta u BiH može doći repozicioniranjem poreskih agregata.

Spomenuo je nužnost promijene radno-pravnog zakonodavstva, za kojeg je ocijenio da je potpuno anahrono i neprilagođeno.

"Ako hoćemo da idemo naprijed, moramo se složiti i zajednički mijenjati zakonodavstvo. Akteri tog procesa svakako su poslodavci, vlada i sindikati. Izmjena Zakona o radu neminovna je, ne zbog poruka MMF-a ili poslodavaca, već zbog nužnosti situacije, jer smo došli u stanje ekonomske neravnoteže", izjavio je Novalić.

Set mjera

Prema riječima direktora Udruženja poslodavaca FBiH Mladena Pandurevića, ključno pitanje u rješavanju problema nezaposlenosti je povećanje konkurentnosti poslodavaca i domaće privrede.

"To je uslov za obezbjeđenje ekonomskog razvoja i za nova zapošljavanja. Da bi se to uradilo, mora se preduzeti čitav set bolnih reformskih mjera koje se tiču rasterećenja privrede, reforme radnog zakonodavstva i mjera za suzbijanje nelikvidnosti, mjera za unapređivanje poslovnog okruženja, mijenjanje i donošenje sistemskih zakona, ograničenja javne potrošnje, te socijalne politike", objasnio je Pandurević.

Zdravi temelji privrede Federacije BiH

Govoreći o trenutnoj ekonomskoj situaciji u većem bh. entitetu, aktuelni federalni minister energije, rudarstva i industrije Erdal Trhulj kazao je da FBiH ima zdrave temelje privrede, ali da "nadgradnja ne valja".

"U FBiH u periodu od 2009. do 2013. godine, operativno je radilo oko 18.500 firmi. Od ovog broja 42 posto ili 7.560 firmi svake navede godine prikazalo je dobit. Kada to poredite sa zemljama regiona, ili sa entitetom RS, vidimo da su to zdravi temelji. One firme koje jedu supstancu Federacije BiH, odnosno svake godine prikazuju minus, iznose oko 5,2 posto ili 1.253 firme. Od tog broja 125 je problematičnih preduzeća i to treba rješavati", kazao je Trhulj.

Resorni ministar spomenuo je da od 303.000 radnika koji rade u realnom sektoru, njih 144.000 rade u dobrim firmama.

Dodao je da svega 38.000 radnika radi u navedenih pet posto problematičnih preduzeća.

100 dana dok se ne počne sa poslom

Jedan od poslodavaca Tomislav Grizelj naveo je konkretan primjer prepreka sa kojima se suočavaju poslodavci.

"Nije problem registrirati firmu na sudu, ali je problem dobiti PDV i ID broj. To su procedure i problemi koji su nanovo stvoreni, a ove barijere traju i po 60 dana. Da dobijete sudsko rješenje trebate najmanje 90, zatim je tu i sistem fiskalizacije i da bi otvorili firmu čekate i na 100 dana. Iz ovog možete vidjeti koliko vremena gubite dok ne počnete sa prvim radnim danom", pojasnio je Grizelj.

Izvor: eKapija.BA



S lijeva na desno: Hazim Zečević, UPKP FBiH, Enes Čengić, Energoinvest d.d. Sarajevo, Milenko Čolak, Lager d.o.o. Posušje

Udruženje poslodavaca FBiH: Nužno hitno rasterećenje privrede!



Safudin Čengić, predsjednik UP FBiH

Udruženje poslodavaca u Federaciji od vlasti traži hitno provođenje mjera za rasterećenje privrede i izmjene zakonske regulative u ovoj oblasti, prvenstveno Zakona o radu.

Zbog nestabilnog političkog ambijenta naša zemlja spada u rizična područja, kada je riječ o stranim investicijama, a sve više poslodavaca zbog državnih nameta odlučuje da zatvori firme. Sve dok se odlučno ne krene u proces reformi, broj nezaposlenih bit će sve veći, a strani kapital sve dalji od naše zemlje, poručeno je na Skupštini Udruženja poslodavaca FBiH u srijedu u Sarajevu.

Ako se dodaju parafiskalni nameti, onda imamo veće od 100 odsto dodatke na lični dohodak. Znači ako radniku isplatite 1.000 KM, dužni ste više od 1.000 KM kojekakvih dažbina, kaže Nilhad Imamović. Mandatar za sastav federalne Vlade Fadil Novalić kaže da su potrebne mjere i u javnom sketoru. – Od 440 hiljada ukupno uposlenih u FBiH, u javnom sektoru je 122,5 hiljada. Sva negativna percepcija društva dolazi iz te 122 hiljade. Jedini potez koji u tom pogledu vučeno je moratorij na zapošljavanje, kaže Novalić.

Drugi pak zbog dugotrajnih procedura registrovanja firmi ne dočekaju da zpočnu vlasiti biznis. – Moja kompanija devet mjewseci otvara kiosk, u kojem se zapošljavaju dva čovjeka. Možete zamisliti kako je onima koji otvaraju tvornicu gdje treba zaposliti 300 ili 400 ljudi, kaže Safudin Čengić, predsjednik Upravnog odbora Udručenja poslodavaca FBiH.

Ukupnu privrednu sliku u FBiH kvare firme koje iz godine u godinu sve lošije posluju iako situacija u poređenju sa zemljama regiona nije loša, tvrdi resorni ministar energije, rudarstva i industrije Erdal Trhulj. – Pedeset posto radnika, odnosno 154 hiljade, od ukupno 303 hiljade radnika koji rade u realnom sektoru, radi u dobrim firmama, a svega 38 hiljada radnika radi u 5 posto firmi koje su izuzetno loše, koje treba rješavati, kaže Trhulj. Povećati zapošljavanje u realnom sektoru, prvenstveno onih koji sada rade na crno moguće je postići smanjenjem nameta i izdvajanja države, tvrde poslodavci. Međutim, to je nije moguće sve dok se odlučno ne pristupi izmjenama zakonske regulative u ovoj oblasti.

Izvor: MAGAZIN PLUS



U d r u ž e n j e
p o s l o d a v a c a

Mula Mustafe Bašeskije 12/3, 71 000 Sarajevo

Tel; +387 33 264 830

Fax; +387 33 264 831

E-mail; info@upfbih.ba

Web; www.upfbih.ba

<https://twitter.com/Poslodavci>